

ВИЧКО СЛУЖБА ДАЙ ПРОПОВЕДЬ *

Затрення кӧ муртса тоньгас -
Батько сьывны пыр и доньгас;
Бӧрсьыс саломшик, оз узь...
Юрси-паськӧм кузьысь-кузь.
Кевмысь вичко пытшкӧ пырас.
Кырлӧс сьылысьясӧн тырас –
Алилуйя, пырысь-пыр,
Горӧдасны вичкӧ тыр.
Стӧрӧж Пома делӧ тӧдӧ,
Ладан кадилӧӧ лӧдӧ,
А старӧста вок Ӧнись,
Зіля-зіля вӧзйӧ сись.
Дякӧн кадилӧӧн ветлӧ,
Йӧзлысь «пеж дум» лӧкысь вӧтлӧ,
Ен кыв киссьӧ, ой-ой-ой,
Мый он вунӧд лун и вой...
Вичко пытшкӧс тшынӧн лӧзмӧ -
Ӧти-мӧдлӧн шева дӧзмӧ,
Мукӧд копыртӧма юр,
Вӧталӧ пу йылысь ур.
Веськыд вылас мужик чукӧр,
Паськӧм шыльыд - абу чукыр,
Юрси мича - сулик вый,
Оз пов шырысь, кӧть тэ мый.
Нывбабаяс мӧдар бокас,
Юрбитӧны пидзи кокнас,
Чӧвталӧны пернапас,
Шӧпкӧдӧны ыж пель пас...
Видзӧдӧны улӧ-вылӧ,
Думнас мунӧны зэв ылӧ,
А кык костас мича ныв
Зонлы шувӧ: «Он мый кыв?
Войтӧ пукны талун волы,

Он кӧ толькӧ... Нолы, нолы!..
Ӧнъя пӧра абу важ
Нывъяс вӧчам гажа гаж»...
«Бур йӧз» унджык празьник лунӧ
Вичко паськыд - тӧрӧ уна,
Батько сы вылӧ и рад -
Налы висьталас рай-ад.
Служба мунӧ - асья эштӧс,
Батько занавеска вештӧс
И ӧбӧння вӧссис пыр;
Йӧз век содӧ - вичко тыр.
Вот и «верую» нин сьывсис,
Сэсся «тебе поём кывсис»,
«Достойно» и «Отче наш»...
Быдӧн чӧлӧсь - кутш ни катш.
Служба мунӧ - быд кыв водзӧ,
Стӧрӧж Пома шӧйтӧ-жӧдзӧ,
А сэк косттӧ миян поп
Вӧлтар водзӧ петӧс стоп;
Киас гижӧд чукӧр кутӧ,
Думнас: «Часлы, талун тута»,
Сэсся восьтӧс лӧсьыд вом -
Проповедьлысь босьтӧс пом:
«Во имя отца и сына...
Тӧдан, енмыд ёна вына,
А сы понда эн веж дум,-
Тӧянлы ме – пыртчан кум...
Ыджыд виддзын гректӧ мынтӧй,
Ульлунья тор сэки кынтӧй,
Висьтав, дашкӧ, шулӧн мать -
Гректӧ прӧстас тӧян бать;
Сьвятӧй празьниктӧ эн вунӧд,
Челядьастӧ татчӧ нувӧд
И ен думысь тэ эн кеж -
Сэтшӧм мортыд зэв нин пеж;
Дай эн вунӧд якӧс-попӧс -

Лыдды кыдзи ассыд вокӧс,
Колӧ найӧс тӧдны век,-
Сэки тӱян оз ло грек;
Яйтӧ, выйтӧ налы видзтӧй,
Гуга пудовнятӧ кисьтӧй,
Сэки аддзас менӧ ен -
Он кут висьны лоан ён.
Тӧданныд быдӧн тӱ, вокъяс:
Вайӧ миянлы юр-кокъяс,
Мый эм тэнад - быдтор сет
И тэ енсянь лован пӧт.
Величайтӧ пӧтка-чери,
Тӱян сӱдзжӧ чури-чери:
Сэтчӧ оз мун уна сов -
Весалӧ тӱ ассыд лов...
Вайӧ пуктас, вайӧ вотӧс,
Ставыс ладнӧ – скӧтлы пӧтӧс,
Дӧра, чулки, кепысь вай -
Кулӧм бӧрын ловӧ рай.
Диянньӧыс абу прӧстӧ:
Грека мортӧс сир би ӧзтӧ,
Мӧдар югыд дзикӧдз эм,-
Сэнӱ овны ловӧ нэм.
Поп-яклы эн жалит нинӧм -
Чӧскыдторйӧн бурмӧ кынӧм,
Колӧ сетны налы рад,
Ато мӧдарын ӧд ад!..
Рӧдителястӧ эн вунӧд:
Гу дорӧдз поп-якӧн нувӧд,
Колӧ сӧмын ӧти ыж –
Прӧсмас сылӧн му выв мыж.
Сэсся субӧт лунъяс тӧдӧ,
Вичко пызан вылӧ лӧдӧ:
Шаньга, блин и мукӧд нянь –
Рӧдительлы ставыс шань.
Кодрасьнытӧ колӧ частӧ:

Сёйны сэки налы чөстө,
Сетө сөрөкусной мөс,
Мед оз сибав мутьня бес...
Тайө кывъяс энө воштө,
Ен бать водзын ёна ошка...
Кодыр служба – бара лок,
Өні - аминь, муса вок».

Ок, ті, йөзөй – пемыд войтыр,
Пальөд ассъыд съөкыд ойбыр!
Садьмы, пыркнит узян юр,
Шыбит нэмөвөйся дур.
Шусян кө ен дума мортөн –
Юрбитнытө колө гортын;
Лыдды ивангилльө, дзик
Квайтөд юрысь квайтөд сьтик.

* Медводдзаысь печатайтөма 1921 воын.
Удж. -1921. - 17 янв.